

docriver 文川网  
入驻商家  
在文川网搜索古籍书城获取更多电子书

中國方志叢書·華中地方·第四九九號

據

明·何汝賓輯  
景抄明天啓六年何氏刊本

影印

浙江省

# 舟山志



成文出版社有限公司印行

5.10/17



\*10101911\*

3520917

中華民國七十二年三月臺一版

# 舟山志

全一冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一六（五線）

印刷者：上林彩色印刷有限公司

台北市大理街145號

新聞局出版登記證：局版台業字第二四三號

舟山志序

志者古史之流也自正史而外有以  
偏方為記者如劉知幾所稱地理當  
以常璩華陽國志盛弘之荊州記為  
第一有以一言一事為記者如劉知  
幾所稱瑣言當以劉義慶世說新語  
第一其餘若王粲漢末英雄崔鴻十

docsriver 文川网  
入驻商家 古籍书城

在文川网搜索古籍书城 获取更多电子书

六國春秋葛洪西京雜記虞預會稽  
典錄皆能以偏師小乘獨當一隊搗  
蕪撫寔成一家言舟山舊無志志之  
自今副戎何公始在今令甲舟山特  
定海東北維屬隸地然攷按圖徑舟  
山在定海未立縣時業先啟土名為  
翁山縣已復改為昌國縣與定海並

隸已又陞為昌國州今雖陵谷逶遷  
輿圖非舊然而其先所建置規模馮  
藉必有千載不可第廢非若他屬隸  
地可土苴殘瀆葺之者志烏容已也  
乃何公之言尤有進於是者定邑為  
兩澗咽喉而舟山寔為定邑門戶倭  
夷貢寇道所必由夫兵家始計即以

遠近險易廣狹死生屬之地而地形  
九地等篇蓋致意不一而是自公  
有以輯而鎖鑰茲上者足不歷四境  
而海天巖險燦如列眉洞若觀火雖  
無事而歌壺尊俎常若有烽烟鉦鼓  
萃于目前即有事而帷幄折衝不難  
以風雲魚鳥措諸抵掌進可御樓船

以戰退可設席落以守所為大有裨  
於疆場至計備禦方畧寧淺斯哉至  
若濱涯僻壤龜鼈魚鼈之與靈而盡  
黽之與同階雖極摭拾其文采不足  
表見于世則其時與地實限之昔人  
有言子長不絕也其書絕矣西京以  
還封建宮殿官師郡邑名不雜馴其



詔令辭命奏書賦頌鮮古文詞故雖  
千載復有子長不能成史記而況其  
他乎然就其裒集既成心力亦殫以  
備故寔以憲將來裨官叢說亦有頗  
可採者似必謏聞廣記乃稱鴻筆哉  
而况公之意固在圖迴宇宙於掌上  
更有識其大者在也教書之以弁首

簡

賜進士第贊治尹中議大夫通政司  
左通政邑人邵輔忠撰

邵輔忠

日

イ  
)

イ

舟山志目錄

卷之一

輿地

沿革

疆域

城池

官制

兵防

卷之二

山川

風俗

學制

公署

閭里

田賦

十一

十一

手  
目  
録

倉儲

災祥

寺觀

卷之三

窟蹟

物產

卷之四

藝文

目  
録

戶口

祀典

選舉

人物

目  
録  
終

舟山志卷之一

通政司左通政邑人邵輔忠訂正  
寧紹副總兵官茂苑何汝賓彙輯

輿地

志必首輿地在它郡邑乘所紀載祇以列方  
隅侈形勝示游覽控馭之規而已舟山則不  
然易曰地險山川丘陵也蘇季寔云秦地被  
山帶河四塞以爲固此所爲天府天下之雄  
國田肯曰山河之險形勝之固秦得百二焉


齊得十二馬則輿地所繫可知矣舟山懸居海中四面溷泮定海爲寧波東維下邑而舟山尤居東之東若邑乘所記浮吳會達甌閩中翼於省會而控扼其門戶卽定海與舟山共之而舟山尤與三韓日本縹緲咫尺若一望可到故按圖而窺四履則中外華夷之防截如也分兵而界汛地則攻守奇正之道井如也建牙以壯彈壓則儲胥虎豹之形屹如也左氏稱夏方有德貢金九牧鑄鼎象物使

民知神姦故民入山林川澤不逢不若魑魅  
魍魎莫能逢之今圖所著列亦何以異是俾  
後來守土諸臣咸世世得奉揚

聖明安攘威德使

國家寵靈重於九鼎大呂者此也








docsriver 文川网  
入驻商家 古籍书城


在文川网搜索古籍书城 获取更多电子书











舟山古邑治四面環海東接普陀桃花南連崎頭  
橫水西接長白馬墓北連長塗劍山自所城至東  
塘頭烽堠程一百里至南舟山烽堠程三哩至西  
碇礮烽堠程六十里至北干礮烽堠程三十里其  
地之險者東則塘頭螺門一帶地勢遼濶而塘頭  
極險逐利者常於此處勾引盜艘南則曹山謝浦  
梅家塾螺頭天童密邇所城關係匪輕而梅家塾  
直對曹山大洋倭奴曾經入據西則岑江碇礮大  
沙小沙干礮馬魯一帶地形廣遠雖有馬墓兵船



然相去遙遠嘉靖時王直輩曾自岑江登岸竊據  
蘆花畧結巢北則柯梅白泉大畧釣嶼等地而柯  
梅亦曩時倭夷躡踞爲巢穴所當在在嚴防者也  
蓋舟山周圍皆海賊舟無處不可登崖而東之沈  
家門切近烏沙門去普陀不遠一望海洋浩淼無  
際島夷相連嘉靖乙卯夏倭船百餘隻突犯普陀  
而入據之遂至東陞鼎沸及徵兵七省費金錢四  
十餘萬幸而撲滅皆繇平日無備致此禍患實南  
北兩洋扼要之區爲舟山最衝險之地宜設重兵

以守之今叅將標下官兵分派三信一時有警策  
應不前深爲可虞按地之極衝者沈家門誠重矣  
而漸出塘頭亦正不輕皆昔係倭奴流突之處今  
屬盜賊窺伺之區次衝者岑江碇礮二處塗淺易  
登入犯爲易且自蛟門至橫水崎頭等洋海面四  
達均宜設兵船防守夫定邑爲寧郡咽喉而舟山  
爲定邑門戶攘外正所以安內舟山固則定邑固  
定邑固則寧郡以達紹郡俱固有地方之責者不  
可不深長慮也嗟乎地無險易因人而險易惟扼

衝險詰戎兵禁勾引庶奠金湯於有永矣

十  
一  
二

三  
四  
五

六

舟

上

舟

上

舟

安石宰縣憫其繁劇故分之元豐元年復益以定  
海之金塘鄉共四鄉爲下縣而明之屬縣凡六矣  
紹興十三年戶部員外郎沈麟編類籍戶計萬餘  
而丁口再倍建炎中高宗航海舟次昌國縣金人  
自明州引兵攻定海縣破之遂以舟師絕洋犯昌  
國縣欲襲御舟至崎頭風雨大作和州防禦使樞  
密院提領海舟張公裕引大船擊散之虜乃去元  
至元十五年陞爲州至正十八年爲方國珍所據  
國朝洪武二年改州爲縣十二年立昌國守禦千

戶所時明州衛守禦千戶募成立地五百丈未竟  
次季指揮許友展跨鰲山成之洪武十七季我  
太祖以東南控海之地乏兵以守恐致寇害命設  
衛所及岑寶螺岱四巡司隸於縣兵民又安教化  
流洽海東一隅規模宏遠誠駕宋軼元爲我  
明邊陲捍禦於以觀

皇祖撫御鴻猷建於不拔孰不願循此以往世世  
無改哉迨二十季湯信國奉

詔處置地方據画到各所在地圖革衛縣學校而

docsriver 文川网  
入驻商家 古籍书城

在文川网搜索古籍书城 获取更多电子书

遷其民於內地夷縣爲二所帶屬定海縣噫信國  
是舉與我

皇祖改州爲縣增立衛所之意不亦天淵也耶撫  
今追昔廢興因革之數豈其微矣



